



Sùil Sgiobalta			
Diciadain 28 Sultain		Diardaoin 29 Sultain	
Seisean 1 (Madainn)	Seisean 2 (Feasgar)	Seisean 3 (Madainn)	Seisean 4 (Feasgar)
Deagh Ghàidhlig	Deagh Ghàidhlig	A' neartachadh sgilean sgrìobhaidh	Ag ullachadh agus a' measadh deuchainnean labhairt nam fileantach: N5/H/AH
Ceumannan	A' teagasg dràma san àrd-sgoil	Ceumannan	A' teagasg dràma san àrd-sgoil
Ag ullachadh agus a' measadh deuchainnean labhairt nam fileantach: N5/H/ AH		SQA – Sgrìobhadh aig Àrd ìre do luchd-ionnsachaidh	SQA – Sgrìobhadh aig Àrd ìre do luchd-ionnsachaidh
ASN*	Ionnsachadh co-obrachail*	Ionnsachadh co-obrachail*	ASN*
Ceitidh, Guth Coimpiutair Gàidhlig*	Ceitidh, Guth Coimpiutair Gàidhlig*		
Comas air Obair agus Sgilean* (Foghlam Alba)	Am Frèam Leasachaidh Nàiseanta* (Foghlam Alba)		

*Co-bhùth-obrach còmhla ri luchd-teagaisg bun-sgoile

1. SQA – Sgrìobhadh aig Àrd Ìre do luchd-ionnsachaidh

Eòghan Stiùbhart

'S e prìomh neach-dearbhadh SQA airson luchd-ionnsachaidh a th' ann an Eòghan agus anns a' bhùth-obrach seo bidh e a' coimhead air dè tha a dhìth airson ìre nàiseanta a ruighinn aig an Àrd Ìre.

Bidh cothrom ann coimhead ris na diofar ìrean agus thèid sùil a thoirt air na cleasan, na sgilean agus na comasan a bhios a dhìth air oileanaich airson an comharra sgrìobhaidh aca a thoirt air adhart.

2. A' teagasg dràma san àrd-sgoil

Fiona Nic an Aba

Sealladh air modhan-teagaisg a tha gnìomhach gus sgilean cànanain a leasachadh agus sgoilearan a mhisneachadh aig ìre àrd-sgoile.

Le bhith a' cur dràma agus ionnsachadh gnìomhach gu feum ann an leasain tro mheadhan na Gàidhlig, chithear gu bheil barrachd chothroman aig sgoilearan Gàidhlig a bhruidhinn ri chèile agus a bhith a' cruthachadh no a' sgrùdadh theacsaichean dràma anns a bheil cànan priseil.

Gheibhear sealladh air geamaichean agus gnìomhan a bhiodh feumail do sgoilearan eadar a' chiad agus an treas bliadhna, agus thèid aonad ùr dràma do sgoilearan aig Ìre Nàiseanta 4/5 a mhìneachadh agus a chleachdadh san dàrna pàirt den bhùth-obrach.

3. Ceumannan

Chrisma NicPhàrlain

Bidh a' bhùth-obrach seo a' toirt sùil air na tha san amas airson Ceumannan 5 agus na chaidh ullachadh gu ruige seo dheth.

Cuideachd, bidh cothrom aig tidsearan beachdan a thoirt seachad air dè bu chòir a bhith ann an Ceumannan 5.

4. Ag ullachadh agus a' measadh deuchainnean labhairt nam fileantach: N5/H/ AH

Fiona NicAonghais agus Iain MacAonghais

Bidh sinn a' sealltainn air mar a dh'ullaicheas tidsearan àrd-sgoile sgoilearan gu bhith a' dèanamh cho math 's as urrainn dhaibh sna deuchainnean labhairt aig SQA.

Bidh sinn cuideachd a' measadh eisimpleirean labhairt aig diofar ìrean bho N5 gu Àrd Ìre agus cuideachd aig Sàr Àrd Ìre.

5. Deagh Ghàidhlig

Eòghan Stiùbhart agus Màiri NicRisnidh

Bidh Eòghan a' stiùireadh thidsearan tro ghoireas gràmair ùr Stòrlann airson gràmar a theagasg gu ìre nàiseanta agus bidh cothrom ann airson còmhradh agus deagh-chleachdadh a roinn ri chèile.

Bidh sinn a' bruidhinn air mar a ghabhas a chleachdadh anns an t-seòmar-teagaisg.

6. A' neartachadh sgilean sgrìobhaidh

Catriona Nic a' Phì

Bidh a' bhùth-obrach seo a' coimhead air dòighean anns am faodar sgoilearan a bhrosnachadh gu bhith a' sgrìobhadh gu siùbhlach sa Ghàidhlig.

Thèid coimhead ri mar a ghabhas sgilean sgrìobhaidh cruthachail agus litreachail na cloinne a neartachadh.

Co-bhùthan-obrach – Bun-sgoil & Àrd-sgoil

1. A' toirt taic do dh'oileanaich ASN sa chlas

An Dr Fiona Lyon agus Catriona Chaimbeul

Bidh a' bhùth-obrach phractaigeach seo a' coimhead air an Leabhar-taic ASN air-loidhne a bharrachd air a bhith a' cruthachadh liostaichean fhaclan le prògram bathar-bog.

Thèid coimhead air goireasan taic litearrachd agus gheibhear cunntas air a' phròiseact measadh leughaidh.

Thèid coimhead air gnothaichean practaigeach a thaobh a bhith a' toirt taic do sgoilearan air a bheil dyslexia – agus le sin do sgoilearan gu lèir!

2. Leughadh, sgrìobhadh agus ionnsachadh còmhla ri Ceitidh, Guth Coimpiutair Gàidhlig

Pòl Nisbet

Sa bhùth-obrach seo ionnsaichidh tu mar a chleachdas tu Ceitidh, a' chiad ghuth coimpiutair sa Ghàidhlig, airson oileanaich FMG a chuideachadh.

Tha leughadairean coimpiutair nam buannachd mhòr, gu h-àraidh do dh'oileanaich le duilgheadasan litearrachd agus ASN, ach faodaidh a h-uile oileanach ann am FMG teacsa-gu-cainnt a chur gu feum ann a bhith a' dearbh-leughadh agus a' toirt piseach air an sgrìobhadh aca. Gheibh sinn a-mach mar a leughas sinn teacsa bhon eadar-lìon, bho leabhraichean agus bho mheasaidhean (mar eisimpleir, ann an Teisteanasan Nàiseanta Litearrachd far nach fhaod daoine leughadh a mheasadh, ach faodaidh Ceitidh) no ann an deuchainnean.

Ionnsaichidh sinn cuideachd mar a chleachdas sinn Ceitidh còmhla ri bathar-bog airson taic a chur ri sgrìobhadh, mar Clicker 6/7 agus Penfriend XL.

Gheibh sibh CD le bathar-bog a' ghuth an-asgaidh airson a chleachdadh aig an taigh agus anns an sgoil.

3. Comas air Obair agus Sgilean: Ag ullachadh airson saoghal na h-obrach

Joan NicAoidh agus Maeve NicFhionghain, Foghlam Alba

Bidh compàirtichean a' toirt sùil air na cùisean air cùl a bhith ag ullachadh òigridh airson saoghal na h-obrach, agus a' phàirt a tha acasan ann a bhith a' coileanadh nam builean do chlann agus do dh'òigridh 3-18.

Bidh fiosrachadh ann air an adhartas gu ruige seo agus thèid beachdachadh air na planaichean airson nam bliadhnaichean ri teachd.

Bidh cothrom aig compàirtichean bruidhinn air an eòlas fhèin a thaobh a bhith ag ullachadh clann agus òigridh airson saoghal na h-obrach.

Bidh cothrom ann cuideachd smaoineachadh air gnìomhan ionnsachaidh co-cheangailte ri saoghal na h-obrach le fòcas sònraichte air Dreuchdan sa Ghàidhlig.

4. Am Frèam Leasachaidh Nàiseanta

Maeve NicFhionghain agus Carol Copstick, Foghlam Alba

Bheir an seisean seo am fiosrachadh as ùire air a' Frèam Leasachaidh Nàiseanta agus thèid beachdachadh air a' bhuaidh a th' aige air Foghlam Gàidhlig.

Bidh cothrom aig compàirtichean bruidhinn air na prìomhachasan agus na sia raointean a chaidh a chomharrachadh sa Frèam Leasachaidh Nàiseanta.

5. Ionnsachadh co-obrachail

Mark Jones agus Sophie Beavitt

Gheibh thu fiosrachadh air ionnsachadh co-obrachail mar dhòigh-teagaisg le structar air, ach a tha fhathast sùbailte.

Tha e a' gabhail a-steach fuasgladh cheistean, ionnsachadh tro labhairt, eadar-eisimeileachd dheimhinneach, cunntalachd dhaoine fa leth agus cuideam air sgilean sòiseasalta agus acadaimigeach.

Bidh thu a' gabhail pàirt agus ag ionnsachadh tro innleachdan ionnsachaidh co-obrachail, agus gheibh thu a-mach mar a dh'fhaodas iad piseach a thoirt air èasgaidheachd nan oileanach, an dà chuid ann an clas luchd-ionnsachaidh agus ann an clas fhileantach.